

STIPENDIJE KOMPANIJE GS-TMT TRAVNIK

OBAVIJEST ZA STUDENTE



Obavještavaju se studenti Fakulteta inženjerstva i prirodnih nauka da je sa kompanijom GS-TMT Travnik postignut dogovor za stipendiranje studenata II., III. i IV. godine studija.

GS-TMT Travnik će stipendirati:

- dva studenta SP Metalurško inženjerstvo / Inženjerstvo materijala, Smjer za metalne materijale,
- dva studenta SP Hemijsko inženjerstvo i
- dva studenta SP Zaštita na radu i zaštita od požara.

Zainteresovani studenti trebaju podnijeti prijave i ostalu potrebnu dokumentaciju u dekanat Fakulteta najkasnije do **01.12. 2023. godine.**

Potrebna je sljedeća dokumentacija:

- **prijava/CV;**
- **potvrda o statusu studenta (potvrdu izdaje Studentska služba FIPN);**
- **uvjerenje o položenim ispitima s prosjekom ocjena s prethodne/ih godine/a studija (uvjerenje izdaje Studentska služba FIPN);**
- **uvjerenja o dodijeljenim nagradama (rektora, dekana, učešće na takmičenjima itd.).**

Prijave kandidata i njihova dokumentacija bit će prosljeđeni HR sektoru kompanije GS TMT Travnik, nakon čega će prijavljeni kandidati biti pozvani na testiranje. S odabranim studentima bit će zaključeni ugovori o stipendiranju u trajanju od 10 mjeseci. Iznos stipendije je 300 KM mjesečno.

GS-TMT Travnik je vrlo uspješna i 100% izvozno orijentisana kompanija koja se primarno bavi izradom i antikorozijskom zaštitom metalnih konstrukcija, a poznata je po dobrim uslovima rada i mogućnosti usavršavanja i napredovanja u karijeri. Više informacija o kompaniji možete pronaći na linku: <https://gs-tmt.com/>.

Za dodatne upute vezane za prijavu možete se obratiti prodekanu za NIR prof. dr. sc. Adnanu Mujkanoviću (adnan.mujkanovic@unze.ba).

U nastavku se nalaze informacije o ugovornim obavezama studenata, te informacije o tome u kojim slučajevima dolazi do obustave stipendiranja.

Član 3.

Stipendista prihvata stipendiju iz člana 2. ovog Ugovora, uz sljedeće obaveze:

- da će redovno pohađati predavanja u skladu sa planom i programom
- da će u predviđenim rokovima polagati ispite, upisivati naredne godine studija
- da će redovno, početkom svake akademske godine, Davaocu stipendije predložiti uvjerenje o završetku prethodne, odnosno upisu u narednu akademsku godinu, kao i za svaki semestar,
- da će tokom ljetnog raspusta obavljati praksu kod Davaoca stipendije u trajanju od jedan mjesec,
- da će prije odabira teme za odbranu diplomskog/magistarskog rada se konsultovati sa Davaocem stipendije
- da će nakon završetka studija odraditi pripravnčki ispit kod Davaoca stipendije i ostati da radi kod Davaoca stipendije duplo više mjeseci od mjeseci za koje je primao stipendiju ukoliko Davaoc stipendije bude zahtjevao i bude u mogućnosti da primaoca stipendije primi u radni odnos,
- da će Davaocu stipendije vratiti cjelokupan iznos stipendije ukoliko ne ispoštuje gore navedeno,

Član 4.

Davalac stipendije ima pravo raskinuti ovaj Ugovor i obustaviti dalju isplatu stipendije u sljedećim slučajevima:

- ako Stipendista izgubi pravo na dalje studiranje,
- ako Stipendista ne dostavi dokaz da je nakon završetka prvog semestra položio 50% ispita,
- ako Stipendista ne dostavi dokaz o upisu narednog semestra/ akademske godine,
- ako Stipendista zaključi sličan Ugovor sa drugim pravnom subjektom gdje bi imao slične obaveze.